



Inatsisartunut ilaasortaq
Anna Wangenheim
Demokraatit
/MAANI

§ 37 naapertorlugu apeqqummut nr. 2024 – 26-mut akissut

Brevdato: 13-03-2024
sagsnr.: 2024-3431

Inatsisartut suleriaasianni § 37 imm. 1 naapertorlugu apeqqutit tulliuuttut
Naalakkersuisunut saqqummiuppatit.

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: asa@nanoq.gl

www.naalakkersuisut.gl

1. Naalakkersuisut oqaatsit pillugit tapinik tunisisarnissamut inatsisitigut tunngaveqalernissamik atuutilersitsinissamut pilersaaruteqarnerlutik, taamaasilluni peqqissaanermik professionalimik suliaqartuusut, nutserinermut tapisiaqartanngitsut, aningaasarsiatigut isumaqatigiissutit atuuttut aqqutigalugit isumaqatiginninniuteqarsinnaangortillugit?

Akissut:

Naalakkersuisut kalaallit oqaasii aamma innuttaasuni kulturikkullu pingaaruteqarneri pingaartippaat. Taamaammatt Naalakkersuisut suliffiit akornanni aamma inuiaqatigiinni tamani kalaallit oqaasii siuarsarniarpai aamma ineriartortinniarlugit. Tamanna ilinniakkanut, kulturikkut suliniutinut aamma oqaatsinut politikinik pitsanngorsaaneeranut aningaasaliinikkut pisarpoq.

Naalakkersuisut oqaatsitsigut piginnaassutsit nalingi aamma ajunngitsuliai naapertorlugit nersorneqarnissaat aamma akissarsisinneqarnissaat pingaaruteqartoq ilisimavaat. Oqaatsitsigut pikkorissutsit aamma piginnaasat piginnaasat allatuulli inuiaqatigiinni aamma suliffinni tamani ataqqineqarnissaat aamma pingaartinneqarnissaat pingaartipparput.

Naalakkersuisut kalaallit oqaasiinik tamatigut tapersersuineranut aamma siuarsaanermut suliaq ingerlatiinnarnissaanut pisussaasutut misigipput, taamaammallu manna suliami apeqquteqartup soqutiginninnera aamma tapersersuiner qujassutigalugu. Tamatuma saniatigut Naalakkersuisut manna suliassaqarfimmi inatsisitigut suliniutiliornissartik maannakkuugallartoq pisariaqarsorinngilaat.

Tamatuma saniatigut apeqqummut 1a)-mut akissut takuuk.

a. Peqqinnissaqarfimmi sulisuusunut ullumikkut oqaatsit pillugit tapisiaqartinnissaat pillugit inatsisitigut aporfiusinnaasut suuppat?

Akissut:

Inatsimmik peqqinnissaqarfimmi sulisuusunut oqaatsit pillugit tapeqarnissamut ajornartitsisumik inatsiseqanngilaq. Aningaasarsianulli atorfinitsitaanermullu atugassarititaasut nalinginnaasumik politikikkut inatsisit aqutugalugit suliarineqarneq ajornerat ileqquuvoq. Inatsisartut inatsimmik taamaattumik akuersissappata, Naalakkersuisut pingaarnertut isumaqatigiisummik, Naalakkersuisut Namminersorlutik Oqartussat kommunillu sinnerlugit peqqinnissaq pillugu kattuffinnik isumaqatigiisutigisaannik unioqqutitsisinnaanerannik Naalakkersuisut peqquneqassapput. Inatsisitigut suliniut taamaattoq suliffeqarnermi illuatungeriit isumaqatiginninniarsinnaatitaanerannik killiliinertut sunniuteqassaaq.

Peqqinnissaq pillugu kattuffinnik pingaarnertut isumaqatigiisummik aalajangersimasumik unioqqutitsinerup saniatigut, tamanna immikkoortumi sionatigut nalaanneqarsimanngitsumik isumaqatiginninniartarnermik aqqissuussami tunngaviusumik inatsisitigut akulerunnerusaaq.

Sulisoqarnermi illuatungeriit aningaasarsianut atorfinitsitaanermilu atugassarititanut maleruagassiorsinnaanermik pisinnaatitaaffiat Naalakkersuisut ataqqivaat, tassani immikkoortumi pisortatigoortumik isumaqatigiisutit pisortatigoortuunngitsumillu ileqqut inatsisitigullu periutsit isumaqatiginninniartarnermik aqqissuussinermut toqqammaviusut ilanngullugit. Taamaalillutik sulisoqarnermi illuatungeriit, tassa sulisartut kattuffii taakkulu ilaasortaat kiisalu sulisitsisut, aningaasanik isumaqatiginninniutigineqartunik pingaarnersiuisartuupput. Naalakkersuisut suliatigut peqatigiiffiit ataqqivai isumaqatiginninniarnernullu akulerunnissartik kissaatiginagu.

b. Peqqinnissaqarfimmi sulisuusunut oqaatsit pillugit tapisiaqartitsinissamut periarfissaqartitsilerniaraanni pisortanut aningaasatigut allaffissornikkullu suut kingunissarai.

Akissut:

Oqaatsit pillugit tapitut kissaatigineqartut qanoq annertussuseqarnerat erseqqippat, kiisalu qassit pineqarnersut eqqoriarneqarsimappat kiisalu suut toqqammavissaatillugit tapit tunniunneqarnissaat ilisimaneqarpat, aningaasaqarnikkut kingunissanut tunngatillugu aatsaat naatsorsuusiortoqarsinnaavoq.

Taamaattoq Naalakkersuisut politikikkut akuliunnerup allaffissornikkut aqqissuussaannikkullu kingunissaannut tunngatillugu, apeqqummut 1a)-p akissut innersuussutigissavaat. Naatsorsugaq taamaattoq taamaallaat

illuatungeriit taamaattumik eqquassinissamik soqutigisaqarunik, kiisalu aningaasarsianut pitsannguutit tamarmiusut ilaat tassunga atorneqarpata pissusissamisuusaaq.

Apeqqutip 2-p taassumalu ataaniittup akinissaanut Peqqissutsimut Naalackersuisoqarfimmit saniatigut piniartoqarpoq, taakkulu ataani issuarneqarput.

2. Peqqinnissaqarfimmi sulisut kalaallisut oqaaseqartuunngitsunut kalaallisut oqaatsitigut pikkorissarnissamik neqerooruteqarfigisarnissaanut Naalackersuisut pilersaaruteqarnerlutik?

Akissut:

"Peqqissutsimut tunngatillugu isumaqatigiissut 2023 - Peqqinnissaqarfimmut tunngatillugu nukittorsaanermik suliaqarnermi politikikkut tunngaviusumik isumaqatigiissummi Inuit Ataqaatigiinnit, Siumumit, Naleqqamit, Atassummit Attaviitsumillu atsiorneqarluni, Sammisag 6: Sulisussarsiortarneq, sulisut sulisoriinnarnerat ilinniartitaanerlu nunanit allaneersunik piginnaasalinnik atorfinitsitsisoqarsinnaanera sulissutigineqassasoq isumaqatigiissutigineqarpoq. Immikkoortoqarfimmut immikkut siunertalimmik suliniummut tunngasumik allaffeqarfiliomerup, qulakkiissavaa sulilersussat nutaat suliffimmut isertinneqarnissaanut periuseq iluatsissasoq, taamaalilluni ilinniartitsineq oqaatsinilu ajornartorsiutaasinnaasut aaqqinneqassallutik. Peqqissutsimik Naalackersuisoqarfimmi suliniutinut allaffimmi pilersinneqaqqammisumi peqqinnissaqarfik suleqatigalugu, qanoq ililluni kalaallit oqaasiinik piginnaasaqannginnerup iliuuseqarfigineqarlunilu passunneqarnissaa nalilersorneqassaaq."

- a. Peqqinnissaqarfimmi sulisut kalaallisut oqaaseqartuunngitsunut kalaallisut oqaatsitigut pikkorissaasarnissamut neqerooruteqartalernissaq pissusissamisoornersaq Naalackersuisut isumaqarnerlutik, imaluunniit piffissaq aaliangersimasup iluaniittariaqartumik, taartaagallarlutik tikittut oqaatsitigut pikkorissarnissamut neqerooruteqarfigineqartassanngitsut?**

Akissut:

"Siuliani akissut takuuk."

- b. Peqqinnissaqarfimmi sulisut kalaallisut oqaaseqartuunngitsunut kalaallisut oqaatsitigut pikkorissarnissamik neqerooruteqarfigineqartalissappata pisortanut aningaasatigut allaffissornikkullu kingunissat suuppat?**

Akissut:


"Kalaallit oqaasiinik pikkorissarnerit peqqinnissaqarfimmi sulisunut tamanut kalaallisut oqalussinnaanngitsunut neqeroorutigineqartalissappata, qanoq aningaasaqarnikkut allaffissornikkullu kinguneqartoqarnissaa maannakkut aalajangersarneqarsinnaanngilaq, paasissutissanummi taakkununga misissueqqissaarnissamut toqqammavissat suliarineqarsimannimmata, assersuutigalugu pikkorissarnermut kikkut peqataanissaat kiisalu oqaatsinik pikkorissarnerup qaffasissusissaa."

3. Naalackersuisut suliamut tunngasunik paasissutissanik allanik paasissutissiisinnaappat?

Aningaasaqarnermut Sulisoqarnermullu Aqutsisoqarfik Peqqinnissarlu Pillugu Kattuffiit maanna Peqqinnissaq pillugu kattuffiit immikkoortuani pisortatigoortumik isumaqatiginninniarnissat sioqqullugit aallarniutaasumik ataatsimiinnernik ingerlatsinerat paasissutissiissutigineqassaaq. Politikeriit tungaannit isumaqatiginninniarnissanut anguniagassanik

isumaqatiginninniarnissamullu piumasaqaatinik nalunaaruteqarnissaq erseqqissumik inassutigineqanngilaq, taamaalillunilu sulisartoqarnermi naqisimaneqanngitsumik isumaqatiginninniarneriit ataqqineqarniassammata.

Inussiarnersumik inuulluaqqusillunga



Erik Jensen